

國子監志

國子監志卷三

廟志三

祀位圖說

正

殿

神

位

圖

先賢有子
先賢卜子
先賢仲子
先賢端木子
先賢冉子
先賢閔子

述聖于思子
復聖顏子

先賢有子
先賢卜子
先賢仲子
先賢端木子
先賢冉子
先賢閔子

至聖先師孔子

宗聖曾子

亞聖孟子

先賢冉子

先賢宰子

先賢冉子

先賢言子

先賢顓孫子

先賢朱子

先師廟大成殿中奉

至聖先師孔子神位南嚮木主高二尺五寸五分廣六寸五分厚一寸朱地金書小座高四寸五分大座高一尺四寸五分龕二重內龕連座高九尺四寸廣六尺深三尺七寸外龕高一丈七尺四寸廣一丈五尺六寸深八尺一寸均安黃琉璃大座上座高三尺廣一丈七尺二寸深九尺七寸

謹案

先聖神位。

國初監明舊制用木主稱

至聖先師孔子。

世祖章皇帝順治二年祭酒李若琳言聖人贊乾坤曰

大哉乾元至哉坤元曰大成曰至聖洵非

孔子之德配乾坤者莫能當之今稱

至聖而遺大成乾坤之義未備又謚法經天緯地曰

文聖善周聞曰宣洵非德兼君師者莫能當之

今稱

先師而遺謚號如英君諡辟止曰某君某王而去聖
神文武之謚可乎惟稱

大成至聖文宣先師庶至德隆名倍為闡揚給事中
龔鼎尊是若琳言下諸臣議行加

孔子謚號為大成至聖文宣先師十四年給事中張
文光又言聖至

孔子贊美難以形容曰

至聖則無所不該曰

先師則名正而實稱順治初年仍元舊謚而不稱王

爵意追王固屬誣聖。即加大成文宣四字。亦不足
以盡

孔子宜改主為

至聖先師孔子

詔從之。通行直省學宮。遂為定制。節奉

諭旨。俱恭載卷首。

大成殿四配神位。木主高一尺七寸。廣四寸五分。
厚五分。赤地金書。小座高三寸五分。大座高一
尺五分。東西連二龕。合座龕高六尺五寸。廣七

尺一寸深四尺三寸五分木座高一尺九寸廣一丈四尺八寸深五尺五寸五分綠琉璃座高二尺三寸廣一丈六尺五寸深七尺

復聖顏子

漢永平十五年祠七十二弟子顏子位第一後世因之魏正始二年晉配饗位唐貞觀二年稱先師總章元年贈太子少師太極元年贈太子太師開元二十七年贈兗公宋大中祥符二年追封兗國公元至順元年加贈兗國復聖公明

嘉靖九年改稱復聖顏子。

國朝因之。

述聖子思子。

宋崇寧元年贈沂水侯。大觀二年從祀於左邱明二十四賢之間。端平二年升列十哲。咸淳三年封沂國公。晉配饗位。元至順元年加贈沂國述聖公。明嘉靖九年改稱述聖子思子。

國朝因之。

茲西面北上。

宗聖會子

唐總章元年贈太子少保太極元年贈太子太保開元八年以會子受孝經特為塑像坐於十哲之次二十七年贈邨伯宋大中祥符二年追封瑕邱侯政和元年避

聖諱改武城侯咸淳三年封邨國公晉配饗位元至順元年加贈邨國宗聖公明嘉靖九年改稱宗聖會子

國朝因之

亞聖孟子。

宋元豐六年追封鄒國公。七年晉配饗位。元至順元年加贈鄒國亞聖公。明嘉靖九年改稱亞聖孟子。

國朝因之。

竝東面北上。

大成殿十二哲神位。木主高一尺四寸。廣三寸五分。厚五分。赤地金書。小座高二寸五分。大座高三寸。東西各連六龕。合座龕高六尺二寸。廣三

尺九寸五分。深二尺八寸。木座高一尺八寸。廣二丈三尺七寸。深三尺九寸。緣琉璃座高一尺八寸五分。廣二丈五尺五寸。深五尺。

先賢閔子

唐開元八年。從祀二十七年。贈費侯。宋大中祥符二年。追封瑯琊公。咸淳三年。改封費公。明嘉靖九年。改稱先賢閔子。

國朝因之

先賢冉子

唐開元八年從祀二十七年贈薛侯宋大中祥符二年追封下邳公咸淳三年改封薛公明嘉靖九年改稱先賢冉子

國朝因之

先賢端木子

唐開元八年從祀二十七年贈黎侯宋大中祥符二年追封黎陽公咸淳三年改封黎公明嘉靖九年改稱先賢端木子

國朝因之

先賢仲子

唐開元八年從祀二十七年贈衛侯宋大中祥符二年追封河內公咸淳三年改封衛公明嘉靖九年改稱先賢仲子

國朝因之

先賢卜子

唐貞觀二十一年與左邱明等二十一人以經師從祀開元八年始以十哲從祀二十七年贈魏侯宋大中祥符二年追封河東公咸淳三年

改封魏公。明嘉靖九年。改稱先賢卜子。

國朝因之。

先賢有子。

唐開元八年。從祀。二十七年。贈卞伯宗。大中祥符二年。追封平陰侯。咸淳三年。子思子升。四配。衆議升有子為十哲。不果。明洪武二年。羅恢請升有子而黜宰我。不報。嘉靖九年。改稱先賢有子。

國朝初。稱先賢不稱子。從兩廡例。書名。乾隆三年。

允尚書徐元夢請升十二哲二十九年

允監臣請復稱先賢有子

茲東序西嚮北上

先賢冉子

唐開元八年從祀二十七年贈鄆侯宋大中祥符二年追封東平公咸淳三年改封鄆公明嘉靖九年改稱先賢冉子

國朝因之

先賢宰子

唐開元八年。從祀。二十七年。贈齊侯。宋大中祥符二年。追封臨淄公。咸淳三年。改封齊公。明嘉靖九年。改稱先賢宰子。

國朝因之。

先賢冉子。

唐開元八年。從祀。二十七年。贈徐侯。宋大中祥符二年。追封彭城公。咸淳三年。改封徐公。明嘉靖九年。改稱先賢冉子。

國朝因之。

先賢言子

唐開元八年從祀二十七年贈吳侯宋大中祥符二年追封丹陽公咸淳三年改封吳公明嘉靖九年改稱先賢言子

國朝因之

先賢顏孫子

唐開元八年從祀二十七年贈陳伯宋大中祥符二年追封宛邱侯政和元年避

聖諱改潁川侯咸淳三年改封陳公升十哲明嘉靖

九年改稱先賢顏孫子。

國朝因之。

先賢朱子。

宋淳祐元年從祀元至正二十二年改封齊國公明嘉靖九年改稱先儒朱子崇禎十五年改稱先賢位在七十子之下漢唐諸儒之上。

國朝初因之康熙五十一年。

諭大學士等朕自冲齡篤好讀書諸書無不覽誦每見歷代文士著述即一字一句於義理稍有未安者軌

為後人指摘，惟宋儒朱子註釋羣經，闡發道理，凡所著作及編纂之書，皆明白精確，歸於大中至正。經今五百餘年，知學之人無敢疵議。朕以為孔孟之後，有裨斯文者，朱子之功最為宏鉅。應作何崇禮表彰，著內閣九卿詹事科道會同詳議具奏。時大學士等遵旨會議，以朱子升配。

大成殿東序為十一哲

詔從之

竝西序東嚮北上

謹案顏曾思孟四配定位始於宋咸淳三年蓋前此止以顏孟配也十哲之稱則始見於唐開元八年命改十哲為坐像自唐以後皆沿舊制宋端平二年以顏子既配祀

孔子不當復在十哲之列乃升子思子於哲位咸淳三年子思子升列四配復升顏孫子於哲位我

朝

祖仁皇帝以朱子註釋羣經闡發道理

孔孟之後有裨斯文為功宏鉅康熙五十一年

命廷臣詳議尊崇之典大學士等遵議朱子配饗

孔廟本在東廡先賢之列應請升於

大成殿東序位次先賢卜子下

語從之是為十一哲乾隆三年尚書徐元夢言

孔子偶思與難之賢記者誌之因號十哲宋代升配

子張

本朝又躋朱子是十哲名數竝非其舊似可無拘

有子氣象大似聖人諸弟子常欲以事

孔子者事之有子宜升哲位時元夢竝欲退冉有宰

我從祀兩廡而升南宮。迺子賤於堂上，哲位大
學士。郭爾泰等議以冉宰兩賢。

聖門高弟，佑饗千秋。豈容輕議，惟有子為游夏諸賢
所服。孟子亦稱智足知聖，從前未躋十哲，似為
闕典。應如所請，南宮迺子賤，升哲之說，似不可
從。

納其言，於是移朱子神位於西序，先賢類孫子之次，
而升有子神位於東序，先賢卜子之次，是為十
二哲云。

附

元

大德十一年秋七月辛巳加封

至聖文宣王為

大成至聖文宣王

元史武宗紀

謹案漢平帝元始元年始追謚

孔子曰褒成宣尼公北魏太和十六年改謚

文聖尼父北後周大象二年封鄆國公唐貞觀二年

復尊為

先聖嗣聖七年封隆道公開元二十七年追謚

文宣王宋大中祥符元年追謚

元聖文宣王五年避祖名改謚

至聖文宣王至元武宗始加

大成之稱考是時武宗即位尚未改元祭祀志作至

大元年七月者非今從元史本紀載入

至順三年春正月壬午加封

孔子妻鄆國夫人為大成至聖文宣王夫人

元史文宗紀

謹案宋大中祥符元年追封

聖配為鄆國夫人至是加封為大成至聖文宣王夫人

右

聖位

延祐三年秋七月詔春秋釋奠於

先聖以顏子曾子子思孟子配饗

元史祭祀志

謹案曾子子思於南宋咸淳間雖躋配位而元

初未用其制至是趙世延言南北祭祀不宜有

異故有是詔

至順元年秋閏七月詔加顏回曾參孔伋孟軻

封爵

續通鑑綱目

右配位

至正三十二年十二月改封朱熹為齊國公

學典

右哲位

明

正統十二年巡按直隸御史李奎請加封

孔子不允

南雍志

成化十二年北監祭酒周洪謨請加

孔子帝號改大成至聖為神聖廣運不允

同上

嘉靖九年冬十一月大學士張璁言

孔子宜稱先聖先師不稱王編修徐階力言不可帝
怒謫其官乃自製正

孔子祀典說大略謂

孔子以魯僭王為非豈肯自僭復為正

孔子祀典申記璁因作正

孔子廟祀典或問奏之帝令集議御史黎貫是階言
亦褫職給事中王汝梅等極言不宜去號帝皆

斥為謬論於是諸臣皆言人以聖人為至聖人
以

孔子為至宋真宗稱為

至聖其意已備乃更正

孔子謚號曰

至聖先師孔子

明史世宗紀

謹案宏治中劉端言

孔子封典尚襲元舊未能改正所謂大成者孟子取
譬之詞所謂文宣者齊主高洋之謚不可以擬

盛德宜節去大成文宣四字別定尊榮美謚下
有司議久不決至是帝用璵言

先師謚號始定

又遵南京國子監制改製

至聖先師木主高二尺三寸七分廣四寸厚七分座
高四寸長七寸厚三寸四分朱地金書題曰

至聖先師孔子去王號及大成文宣之稱

明史禮志

謹案洪武四年監臣宋濂上

孔子廟堂議云古者造木主以棲神無設像之事開

元禮設

先聖神座於堂上西楹間設先師神座於東北席皆以莞則猶掃地而祭也今因開元八年之制摶土肖像失神明之義矣議上不報至十五年始改國子監廟像為木主而天下學廟如故永樂中改北平府學為國子監廟猶塑像成化十六年監臣祝瀾請易木主為周洪謨所斥嘉靖九年張璁復言宜用木主塑像宜毀於是禮臣議用木主仍擬大小尺寸著為定式

右

聖位

嘉靖九年四配神位改用木主高一尺五寸廣三寸二分厚五分座高四寸長六寸厚二寸八分赤地墨書題曰復聖顏子宗聖曾子述聖子思子亞聖孟子去一切封爵

明史禮志

右配位

嘉靖九年十哲神位改用木主高一尺四寸廣二寸六分厚五分座高二寸六分長四寸厚二

寸。赤地墨書。題曰先賢某子。去一切封爵。

明史
禮志

右哲位。

國子監志卷四

廟志四

祀位圖說

東

西

庶

先

賢

位

次

圖

東

西

廡

先

儒

位

次

圖

大成殿兩廡從祀先賢先儒神位木主高一尺三寸六分廣三寸五分厚六分赤地墨書小座高

二寸大座高七寸五分東廡連四龕十七座

木龕

三虛其龕高五尺八寸廣二尺八寸深三尺木座

高二尺六寸廣共一丈二尺深四尺一寸磚座高一尺二寸通廣二十丈一尺六寸深六尺五寸西廡連四龕十六座制俱如東廡

先賢遠瑗

唐開元二十七年從祀贈衛伯宋大中祥符二

年追封內黃侯。明嘉靖九年，因張璁言，改祀於鄉。

國朝雍正二年，復祀稱先賢，為東廡先賢之首。
先賢澹臺滅明。

唐開元二十七年，從祀，贈江伯。宋大中祥符二年，追封金鄉侯。明嘉靖九年，改稱先賢澹臺子。國朝稱先賢不稱子。

先賢原憲。

唐開元二十七年，從祀，贈原伯。宋大中祥符二

年追封任城侯。明嘉靖九年改稱先賢原子。
國朝稱先賢不稱子。

先賢南宮述

唐開元二十七年從祀。贈鄭伯。宋大中祥符二
年追封龔邱侯。政和元年避

聖諱改汝陽侯。明嘉靖九年改稱先賢南宮子。

國朝稱先賢不稱子。

先賢商瞿

唐開元二十七年從祀。贈蒙伯。宋大中祥符二

年追封須昌侯。明嘉靖九年改稱先賢商子。

國朝稱先賢不稱子。

先賢漆雕開。

唐開元二十七年從祀。贈滕伯。宋大中祥符二年追封平輿侯。明嘉靖九年改稱先賢漆雕子。國朝稱先賢不稱子。

先賢司馬耕。

唐開元二十七年從祀。贈向伯。宋大中祥符二年追封楚邱侯。政和元年避。

聖諱改睢陽侯明嘉靖九年改稱先賢司馬子

國朝稱先賢不稱子

先賢梁鱣

唐開元二十七年從祀贈趙伯宋大中祥符二

年追封千乘侯明嘉靖九年改稱先賢梁子

國朝稱先賢不稱子

先賢冉孺

唐開元二十七年從祀贈紀伯宋大中祥符二

年追封臨沂侯明嘉靖九年改稱先賢冉子

國朝稱先賢不稱子

先賢伯處

唐開元二十七年從祀贈聊伯宋大中祥符二年追封涑陽侯明嘉靖九年改稱先賢伯子

國朝稱先賢不稱子

先賢冉季

唐開元二十七年從祀贈東平伯宋大中祥符二年追封諸城侯明嘉靖九年改稱先賢冉子國朝稱先賢不稱子

先賢漆雕徒父

唐開元二十七年從祀贈須句伯宋大中祥符二年追封高苑侯明嘉靖九年改稱先賢漆雕子。

國朝稱先賢不稱子。

先賢漆雕哆

唐開元二十七年從祀贈武城伯宋大中祥符二年追封濮陽侯明嘉靖九年改稱先賢漆雕子。

國朝稱先賢不稱子

先賢公西赤

唐開元二十七年從祀贈部伯宋大中祥符二年追封鉅野侯明嘉靖九年改稱先賢公西子國朝稱先賢不稱子

先賢任不齊

唐開元二十七年從祀贈任城伯宋大中祥符二年追封當陽侯明嘉靖九年改稱先賢任子國朝稱先賢不稱子

先賢公良孺

唐開元二十七年從祀贈東牟伯宋大中祥符二年追封牟平侯明嘉靖九年改稱先賢公良孺子

國朝稱先賢不稱子

先賢公肩定

唐開元二十七年從祀贈新田伯宋大觀四年從議禮局言補贈梁父侯明嘉靖九年改稱先賢公肩子

國朝稱先賢不稱子。

先賢郭單。

唐開元二十七年從祀贈銅鞮伯宋大觀四年。

從議禮局言補贈聊城侯明嘉靖九年改稱先

賢郭子。

國朝稱先賢不稱子。

先賢罕父黑。

唐開元二十七年從祀贈乘邱伯宋大觀四年。

從議禮局言補贈祁鄉侯明嘉靖九年改稱先

賢罕父子

國朝稱先賢不稱子

先賢榮旌

唐開元二十七年從祀贈雋婁伯宋大中祥符

二年追封厭次侯明嘉靖九年改稱先賢榮子

國朝稱先賢不稱子

先賢左人郢

唐開元二十七年從祀贈臨淄伯宋大中祥符

二年追封南華侯明嘉靖九年改稱先賢左子

國朝稱先賢不稱子。

先賢鄭國。

唐開元二十七年從祀。贈滎陽伯。宋大中祥符二年。追封胸山侯。明嘉靖九年。改稱先賢鄭子。國朝稱先賢不稱子。

先賢原亢。

唐開元二十七年從祀。贈萊蕪伯。宋大觀四年。從議禮局言。補贈樂平侯。明嘉靖九年。改稱先賢原子。

國朝稱先賢不稱子

先賢廉潔

唐開元二十七年從祀贈莒父伯宋大觀四年
從議禮局言補贈胙城侯明嘉靖九年改稱先
賢廉子。

國朝稱先賢不稱子

先賢叔仲會

唐開元二十七年從祀贈瑕邱伯宋大中祥符
二年追封博平侯明嘉靖九年改稱先賢叔仲

子

國朝稱先賢不稱子

先賢公西與如

唐開元二十七年從祀贈重邱伯宋大中祥符
二年追封臨朐侯明嘉靖九年改稱先賢公西
子

國朝稱先賢不稱子

先賢邾莒

唐開元二十七年從祀贈平陸伯宋大中祥符

二年追封高堂侯明嘉靖九年改稱先賢邾子
國朝稱先賢不稱子

先賢陳亢

唐開元二十七年從祀贈潁伯宋大中祥符二
年追封南頓侯明嘉靖九年改稱先賢陳子

國朝稱先賢不稱子

先賢琴張

唐開元二十七年從祀贈南陵伯宋大中祥符
二年追封頓邱侯政和元年避

聖諱改陽平侯明嘉靖九年改稱先賢琴子。

國朝稱先賢不稱子。

先賢步叔乘。

唐開元二十七年從祀贈淳于伯宋大中祥符二年追封博昌侯明嘉靖九年改稱先賢步叔子。

國朝稱先賢不稱子。

先賢秦非。

唐開元二十七年從祀贈沂陽伯宋大中祥符

二年追封華亭侯明嘉靖九年改稱先賢泰子
國朝稱先賢不稱子

先賢顏噲

唐開元二十七年從祀贈朱虛伯宋大中祥符
二年追封濟陰侯明嘉靖九年改稱先賢顏子
國朝稱先賢不稱子

先賢顏何

唐開元二十七年從祀贈開陽伯宋大中祥符
二年追封堂邑侯明嘉靖九年因張璠言停其

從祀

國朝雍正二年復祀稱先賢

先賢縣臺

國朝雍正二年

詔增從祀稱先賢

先賢樂正克

宋政和五年追封利國侯配饗孟廟

國朝雍正二年

詔增從祀稱先賢

先賢萬章

宋政和五年追封博興伯從祀孟廟

國朝雍正二年

詔增從祀稱先賢

先賢周敦頤

宋淳祐元年從祀封汝南伯元延祐六年加道
國公明嘉靖九年改稱先儒周子崇禎十五年
改稱先賢位在七十子之下漢唐諸儒之上

國朝稱先賢不稱子

先賢程顥

宋淳祐元年從祀封河南伯元至順元年加豫國公明嘉靖九年改稱先儒程子崇禎十五年改稱先賢位在七十子之下漢唐諸儒之上國朝稱先賢不稱子

先賢邵雍

宋咸淳三年從祀封新安伯明嘉靖九年改稱先儒邵子崇禎十五年改稱先賢位在七十子之下漢唐諸儒之上

國朝稱先賢不稱子

右三十九人竝東廡西面北上